

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

খুলনা ও বরিশাল বিভাগে খাদ্যের অভাব দূর করতে যুক্তরাষ্ট্র সরকারের ৯ কোটি ৫০ লাখ ডলার প্রদানের প্রতিশ্রুতি

ঢাকা, ৩রা আগস্ট -- বাংলাদেশে খাদ্যের অভাব দূর করতে ও পুষ্টিমান পরিস্থিতি উন্নয়নের লক্ষ্যে একটি নতুন সম্প্রসারিত উদ্যোগের অংশ হিসেবে ৩রা আগস্ট যুক্তরাষ্ট্র সরকারের অর্থায়নপুষ্ট দুটি প্রকল্প বাংলাদেশ সরকারের সঙ্গে চুক্তি স্বাক্ষর করেছে। নবজীবন ও প্রসার (প্রোগ্রাম ফর স্ট্রেংদেনিং হাউজহোল্ড অ্যাক্সেস টু রিসোর্সেস -- পিআরওএসএইচএআর) নামে পরিচিত এই প্রকল্পদু'টি যুক্তরাষ্ট্র আন্তর্জাতিক উন্নয়ন সংস্থা'র (ইউএসএআইডি) কাছ থেকে আগামী পাঁচ বছরে প্রায় ৬৫৫ কোটি টাকা (৯ কোটি ৫০ লক্ষ ডলার) অনুদান পাবে। এই নতুন উদ্যোগগুলোর মাধ্যমে 'ইউএসএআইডি' দরিদ্র ও হতদরিদ্রদের আয় বৃদ্ধি করতে, শিশু ও নারীদের স্বাস্থ্য ও পুষ্টির মান উন্নয়ন করতে এবং বাংলাদেশের দক্ষিণাঞ্চলের দুটি বিভাগের পরিবারসমূহের প্রাকৃতিক দুর্যোগের সঙ্গে মোকাবেলা করার সামর্থ্য বৃদ্ধি করতে কাজ করবে।

এই ৯ কোটি ৫০ লক্ষ ডলার অনুদানের মধ্যে অন্তর্ভুক্ত রয়েছে নগদ সহায়তাসহ ২২৯,৭৪২ মেট্রিক টন পরিমাণ গম, ডাল, ডাবলি এবং ভেজিটেবল অয়েল। প্রসার প্রকল্পটি খুলনা বিভাগে বাস্তবায়ন করবে যুক্তরাষ্ট্র-ভিত্তিক বেসরকারী সংস্থা এসিডিআই/ভিওসিএ। আর নবজীবন প্রকল্পটি বরিশাল বিভাগে বাস্তবায়ন করবে 'সেভ দ্য চিলড্রেন, ইউএসএ'। এই দুটি প্রকল্প একত্রে আনুমানিক ৯ লাখ গৃহে সহায়তা পৌঁছে দিবে।

গণপ্রজাতন্ত্রী বাংলাদেশ সরকারের প্রতিনিধি হিসেবে খাদ্য ও দুর্যোগ ব্যবস্থাপনা মন্ত্রণালয়ের দুর্যোগ ব্যবস্থাপনা ও ত্রাণ বিভাগ 'নবজীবন' ও 'প্রসার' প্রকল্প দু'টিতে প্রায় ৩২.৪৩ কোটি টাকা (৪কোটি ৭০লক্ষ ডলার) সহায়তা প্রদান করবে। এসিডিআই/ভিওসিএ এবং সেভ দ্য চিলড্রেন এই অর্থ কারিগরী প্রশিক্ষণ প্রদানসহ স্বাস্থ্য ও দুর্যোগ ব্যবস্থাপনা বিষয়ে প্রশিক্ষণ প্রদানের জন্য ব্যবহার করবে। এছাড়া অনুদানের অর্থ খুলনা ও বরিশাল বিভাগে কমিউনিটির অবকাঠামোগত প্রকল্প সম্পন্ন করতে এবং বন্যা ও ঘূর্ণিঝড়ের মতো দুর্যোগে সাড়া দিতেও ব্যবহৃত হবে।

'ইউএসএআইডি'র মাধ্যমে যুক্তরাষ্ট্র সরকার বাংলাদেশের মানুষ বিশেষত হতদরিদ্রদের জীবনমান উন্নয়নে কাজ করে যাচ্ছে। 'ইউএসএআইডি' বাংলাদেশে পাঁচটি বৃহত্তর ক্ষেত্রে কর্মসূচি পরিচালনা করে থাকে। এগুলো হচ্ছে

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনে সহায়তা, খাদ্য নিরাপত্তা বৃদ্ধি এবং দুর্যোগ প্রস্তুতি জোরদার করা ও প্রাকৃতিক দুর্যোগ পরবর্তী জরুরি সহায়তা প্রদান। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত ৫শ' কোটি ডলারেরও বেশি সহায়তা প্রদান করেছে।



জিআর/ ২০১০

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষাটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৪, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।